

PETERENÊ papia kêtú luagêcna

Peterenê papia kêtú luagêcna nec gêjac lau buña ñamataña ñagêdô tapaôngeñ ñawae. Lau-mêtê-geowaga jasêsêli-sêsêli gôlôac Asia Saunña, tec Petere keto papia tonec gebe êmbôc êsêac auc, ec nêñ mêtê ôlin ñakalacña êlain tau amboac secgeñ. Lau buña sênac jao taun êndên lêtôm amboac tonan ñalên tonec gebe sênac dabin nêñ kauc e sêjala Anôtô agêc Apômtau Jesu Kilisi êpi ñanôgeñ, tec Petere gebe êsêac sêkên tañen êndên lau, tañ taun matenânô sêlic Jesu ma taun tañensun sêñô en kêsôm bin to kêdôn êsêac nan, sênac ñawaageñ. Petere gesen lau, tañ sêsôm sebe Kilisi êmu êmên êtiam atom nan, ñajanageñ. Kilisi gêmu gêmên su atom tageñ nec ñam kêsêp Anôtô gê bin tôngeñ “gebe lau ten sênaña atom, gebe samob sêkac taun su anña nêñ sec acgomman.”

Ñadênan

1. Petere gêjac m papia tau 1:1-2
2. Anôtônê kalem gêdên lau buña 1:3-21
3. Mêtê-geowaga têdôn mêtê dansan 2:1-22
4. Kilisi êmu êmên êtu ñamuña 3:1-18

Petere awa gêjac lau

¹ Jesu Kilisi nê sakinwaga to aposolo aê, Simon Petere, ñoc bin êndên amac, tañ aêacnên Anôtô agêc kêsiwaga Jesu Kilisi nêñ binêdên kêkên amac akên gêwin ñanô atôm aêac.

² Ajala Anôtô agêc aêacnên Apômtau Jesu êtu tôn e moasiñ to binmalô ênam sêga anña amacña.

Anôtô kêkalem aêac to kêjaliņ aêac sa

³ Anôtônê ñaclai kêkêņ gêņ samob, taņ kêpuc aêac tôņ tamoa mateņ jali to tasa Anôtônê lêņ naņ, gêdêņ aêacgac. Kêkêņ gêņ tau kêtú tajala ñac, taņ kêkalem aêac tawê kainê ênê ñawasi to lêņ ñaņêņ naņña.

⁴ Eņ gêgôm amboac tonañ, tec gêjac mata gêņ ñanô mataêjam to kapôêņ-kapôêņ gêdêņ aêac. Eņ gêjac mata gêņ tonañ gebe amac awê kainê ñanô anġa Anôtô tau nê ma awê nom tonec ñaņaclai sa. Ñaclai enseņ amac suņa tonañ ñam kêsêp ñamalacnêņ têntac ñakalacņa.

⁵ Amboac tonañ ôlim palêgeņ gebe nêma akêņ gêwiņ ênam ñanô lêņ ñaņêņ. Lêņ ñaņêņ êkêņ kauc ajala gêņña.

⁶ Kauc ajala gêņña êkêņ amac atu mêtê taôm ñapep. Atu mêtê taôm ñapep êkêņ amac aoc gêņwapac totêmtac êpa sugen. Aoc gêņwapac totêmtac kêpa sugen êkêņ amac asa Anôtônê lêņ.

⁷ Asa Anôtônê lêņ êkêņ amac têmtac êwiņ lasitêwai. Têmtac gêwiņ lasitêwai êkêņ amac têmtac êwiņ ñanô tau.

⁸ Gêņ ñanô tau tonañ embe ênêc amacņa e ênam amac auc, go êkêli amac, ec ôlim palê êsa to anam ñanô ajala aêacnêņ Apômtau Jesu Kilisi.

⁹ Ma ñac, naņ êtap gêņ tau tonañ sa atom, eņ mataanô kêtú wao, tec gelic gêņ gêja baliņ atom ma kêliņ Anôtô kêkwasiņ ênê sec lanġwa su gêjaņa naņ siņ.

¹⁰ O lasitêwaac, Anôtô kêkalem amac to kêjaliņ amac sa, tec ôlim palêgeņ gebe awaka Anôtônê moasiņ tau sa. Embe anġôm amboac tonañ, go

amben anan̄a atomanô,

¹¹ ma Anôtô êkên̄ amac asô aêacnên̄ Apômtau to kêsiwaga Jesu Kilisi nê gamên̄ tengeŋna ana.

¹² Amac ajala bin̄nanô, ma bin̄nanô tau gêjam amac auc akô n̄ajan̄a, mago gabe jaôn̄ bin̄ tau sa an̄ga amacnêm n̄alêlôm gebe taêm ênam n̄apan̄.

¹³ Jaôn̄ bin̄ tau sa an̄ga amacnêm nec gêjac aê n̄awae êtôm n̄oc têm jamoa bec tonec n̄alêlômna.

¹⁴ Aê kajalagac gebe saun̄geŋ, go sêmbuc n̄oc bec tonec sa êtôm aêacnên̄ Apômtau Jesu Kilisi tau geoc lasê gêdên̄ aê.

¹⁵ Amboac tonan̄ tec jawaka n̄alên̄ ten̄ sa e êndên̄ têm jawi nom tonec sin̄ su nan̄, bin̄ tonan̄ n̄ai êôn̄ sa an̄ga nêm n̄alêlôm n̄apan̄.

Kilisinê n̄awasi, tan̄ propete seoc lasê nan̄

¹⁶ Gêdên̄ tan̄ asôm aêacnên̄ Apômtau Jesu Kilisi nê n̄aclai to êmu êmên̄ n̄awae lasê gêdên̄ amac nan̄, aêac ajac sêboaco, tan̄ n̄amalac sêga tokaucgeŋ nan̄ atom. Aêac tauŋ maten̄anô alic ênê n̄awasi towae, tec asôm lasê.

¹⁷ Aêac alic gebe eŋ Tama Anôtô kêkên̄ wae to n̄awasi gêdên̄ eŋ ma n̄awasi n̄atau awa amboac tonec gêdên̄ eŋ gebe “Aên̄oc Latuc, tan̄ têtac gêwiŋ eŋ ma galic eŋ n̄ajam nan̄ tonec.”

¹⁸ Awa tecenan̄ aêac anô kêsap an̄ga undambê gêmên̄ gêdên̄ tan̄ amoa lôc dabun̄ awiŋ eŋ nan̄.

¹⁹ Amboac tonan̄ aêac akên̄ gêwiŋ propetenên̄ bin̄ kêlêlêc. Ma amac embe akôc bin̄ tau sa, oc n̄ajam amboac tonan̄, gebe bin̄ tau kêtôm dawen̄ kêpô gamên̄ n̄akesec e êu bôn̄ acgom, go utitêna mên̄êpi an̄ga nêm n̄alêlôm.

²⁰ Ajala biñ tonec êtu ñamata acgom, gebe ñac tenj kêtôm gebe êwa propetenêñ biñ, tañ teto gêc nanj, sa ña tau nê kauc atom,

²¹ gebe ñamalac tenj nê ñalêlôm kêkac enj tec geoc biñ tenj lasê nec atom. Ñalau Dabunj gêôc ñamalac, go sêsôm biñ lasê kêtôm Anôtô gêsuñ.

2

Propete dansañ

¹ Gêmunjenj propete dansañ dêdi anja lau Israel ñalêlôm. Ma kêdônwaga dansañ oc mênjsêsa anja amac ñalêlôm amboac tonañ. Êsêac oc sêndônj mêtê geo, tañ ensenj ñamalac su nanj, ma sênsa Ñatau, tañ gêjam ôli êsêac su nanj auc. Êsêac sêkic tauñ nêñ biñ ma sênaña sebenj.

² Ma lau taêsam sêsap êsêacnêñ lêñ kêli ôlinj ñakalacña tôñ, ma kêtú tonañña lau sêsôm biñ alôb-alôb êpi biññanô ñalêñ.

³ Êsêac matenj katu gêñ ñawaô, tec têtulu amacnêm awa ña nêñ biñdansañ. Êsêacnêñ mêtôcwaga mata gêdinj êsêac ñapep wanêcgeñ ma nêñ ñac ensenj êsêac suña gêjac tuluc atom.

⁴ Anôtô taê labu anjela, tañ sêgôm sec nanj atom. Enj kêtinj êsêac sêsêp lamboam ñagêsuñbôm ñakesec sêja ma gêsô êsêac tôñ sêmoa e êndênj bêc mêtôcña.

⁵ Enj taê labu nom lanjwa atom, kêkêñ bu kêsunj ñatêna gesenj nom ñalau, tañ sêwi Anôtô sinj nanj su. Noa tañ kêsôm biñgêdênj lasê to nê lau 7 taunjenj tec Anôtô gêjam jaom êsêac.

⁶ Ma Anôtô kêmetôc malac Sodom to Gomora gebe sênaña, tec kêkêñ ja geñ êsêac su sêjaña. Enj

kêkêñ dôñ tonañ gebe êkêñ puc lau, tañ oc sêwi Anôtô sinj êtu ñamu nanj.

⁷ Enj gêjam ñac gêdêñ Lot kêsi. Lot tau gêmoa tonê ñalêlôm ñawapacgenj kêtú lau alôb-alôb tonañ nêñ lêñ mockainjña.

⁸ Ñac gêdêñ tonañ gêñgônj êsêac ñalêlôm ma gêlic to gêñô nêñ binj geo kêtôm bêc to bêc ma gejonj ênê ñalêlôm gêdêñ e gêmoa jageo.

⁹ Apômtau kêjala ênam lau-sêkêñ-gêwiñwaga kêsi anjã lêtôm ñalêñ ma kêjala êkôninj lau sec tôñ e têtãp ñagêjô sa êndêñ bêc mêtôcña ñalêñ amboac tonañgenj.

¹⁰ Ñagêjô tonañ êtap êsêac, tañ têtãc ñakalac kêkac êsêac e sêsa lêñ môpña ma sêli binj sa kêpi Apômtaunê gôlinj nanj, sa êlêlêc su.

Êsêac lau ñaclai sec to tetoc taunj sa ma têtêc lau ñawasi ôña atom, sêsôm binj alôb-alôb kêpi êsêac gêwiñ.

¹¹ Anjela tonañ nêñ ñajãña to ñaclai kêlêlêc lau tonañ nêñ su, mago anjela sêpuc boa êsêac to sêkêñ êsêac têtãp Apômtaunê mêtôc sa atom.

¹² Lau tonañ nêñ kauc masi têtôm bôc, tañ têna kêsu gebe ñamalac sêlô êsêac tôñ to sêñgunj êsêac êndu. Lau tonañ sêsôm binj alôb-alôb kêpi gêñ, tañ sêjam kauc nanj. Êsêac oc sênaña têtôm bôc tau.

¹³ Êsêac têtãp ñandanj sa êjô nêñ geo, tañ sêgôm gêdêñ lau nanj. Êsêac sêjam kauc gebe sêniñ lasam to sênôm anaboa êndêñ ocsalô êtu têtãc ñajam ñam. Êsêac gêñ ñatêmui to gêñ sec. Embe sêniñ gêñ sêñgônj sêwiñ amac, go sêñgôm nêñ sec sênac ñawaegenj.

¹⁴ Êsêac matenj danjucboa ma sêgôm sec gedenj

tôngen. Êsêac sêwa lip lau palê-palê ma têdôn nêñ ñalêlôm e sêjala lêñ maten katu gêñña kêtû tôñ. Anôtô kêpuc boa êsêac sugac.

¹⁵ Êsêac sêwi lêñ ñañêñ sin ma sêo sic sêsa Bosoro latu Balam, tañ têtac gêwiñ nê geo ñaôli nañ, nê lêñ.

¹⁶ Balêm kêsa lêñ tonañ e Anôtô kêmetôt eñ kêtû nê kesona. Bôc wabaña awamê kêsôm bin lasê gêjam ñamalac awa e kêkô propetenê lêñ meloc auc.

¹⁷ Lau tonañ ñai têtôm bumata, tañ kêpa nañ, me têtôm tao, tañ mu gêbuc ma kêdaba su nañ. Anôtô kêmasañ gêsunbôm ñakesec kêtû êsêacña.

¹⁸ Êsêac sêsôm bin lanem-lanem to bin agwa-agwa ma sêwa nêñ lêñ kêli ôlin ñakalacña kêtû lip, gebe ênac lau, tañ sêkac taun su ñasawa dambêgen anga lau, tañ sêsa lêñ keso nañ.

¹⁹ Lau-sêwalipwaga sêjac mata lêñ sêngamboac ñamalac su sêmoa nêñ Iêtêgenña, mago êsêac taun têtû ñaclai ensen ñamalac suna ñasakiwaga, gebe gêñ, tañ kêku ñamalac tulu nañ, ñamalac têtû gêñ tau ñasakiwaga.

²⁰ Lau teñ embe sêkac taun su anga nom ñagêñ mômña êtu sêjala aêacnêñ Apômtau to kêsiwaga Jesu Kilisiña, mago gêñ tau embe êlênsôn êsêac êtiam e êku êsêac tulu, oc têtû sec êlêtêc gêmunña su.

²¹ Ijoc êsêacmêñ, sêjala binçêdêñ ñalêñ atomman. Amboac ondoc sêjala su, mago sêjam dêmôêñ bin su dabun, tañ sêkêñ gêdêñ êsêac nañ kêtiam.

²² Binçôlin tonec ñanô kêsa kêpi êsêac gebe
“Kêam sen gêñ, tañ sêluc sin nañ kêtiam.”

Ma teñ gebe

“Bôcanô tañ gêlin bu su nañ, jagêjac wandob kêtiam.”

3

Apômtau êmu êmêñ biññanôgeñ

¹ O lauace, papia tonec kêtú papia kêtú luagêcña, tañ kato gêdêñ amac nañ. Aê kato papia luagêc tau gebe jaônñ biñ ñawa samob sa anğa nêñ ñalêlôm gebe taêm ênam.

² Aê gabe jaônñ biñ, tañ propete dabuñ sêsôm wanêcgeñ su to Apômtau to kêsiwaga nê biñsu, tañ amacnêñ aposolo sêsôm nañ, sa anğa nêñ ñalêlôm gebe taêm ênam êtiam.

³ Ajala biñ tonec êtu ñamata acgom, gebe êndêñ têm nañ mênêsa lau ñagêdô, tañ sêsa nêñ lêñ êtôm ôliñ ñakalac kêkac êsêac nañ, oc mênşêô lasê ma sêsu amac susu

⁴ ma sêsêm gebe “Enğ gêjac mata gebe êmu êmêñ me. Ma galoc gêmoa ondoc. Aêac abeñi sêmac sêja-sêja ma gêñ samob gêc amboac gêc gêdêñ tañ Anôtô kêkêñ undambê to nom nañ, e mênşgêdêñ galoc.”

⁵ Êsêac tañ gebe amboac tonañ nañ, sêliñ biñ tonec siñ gebe andaogenñanô Anôtô kêsôm biñ tec kêkêñ undambê to nom. Nom tau kêsa anğa bu ma bu gêjam nom sa.

⁶ Ma bu tau tonañ tec kêsuñ ñatêna e gesenñ nom lanğwa su gêjaña.

⁷ Mago Anôtô nê biñ gêjam jaom undambê to nom galocña gêmoa e ja enşenñ su. Undambê to nom oc sênaña atom, sênêc e êndêñ bêc Anôtô êmêtôc ñamalac to enşenñ lau sec suña.

⁸ O lauace, aliñ biñ tagenñ tonec siñ atom gebe Apômtau gêlic bêc tagenñ kêtôm jala 1,000 ma jala 1,000 kêtôm bêc tagenñ.

⁹ Apômtau gêgôm nê biñ, tañ gêjac mata nan, ñanô kêsa kêlin tau siñ-siñ amboac lau ñagêdô taêñ gêjam nan atom. Eñ kêlin tau siñ-siñ atom, gê amacnêm biñ tòn gebe eñ gedec gebe lau teñ sênaña atom. Eñ gebe lau samob sênam tañ ôkwi.

¹⁰ Apômtaunê bêc oc êmêñ êtôm genjentêna ma undambê oc ênaña tonakicsêa kaiñ teñ. Ma ja êniñ gêñ umbonña e êsêlô ma nom to gêñ nom-ña samob maleñmê.

¹¹ Gêñ samob tonañ oc êsêlô amboac tonañ, tec amac oc amoa amboac ondoc. Asa nêñ lêt atôm Anôtônê lau to anam sakiñ engeñ.

¹² Asa lêt amboac tonañ ma aôn Anôtônê bêc ma anjom gêñlêlôm gebe êô lasê sebenman. Endêñ tônê ja êniñ undambê e êsêlô ma ja êpac gêñ undambêña e êwê ênaña.

¹³ Mago Anôtô gêjac mata biñ kêpi undambê wakuc to nom wakuc, tañ biñgêdên ênam auc, ma aêac tec daôn tamoa.

¹⁴ O lauace, amac aôn gêñ amboac tonañ, tec amansañ taôm toolim palêgeñ gebe akô Anôtô lanônêm tolanômnêm sawa to nêñ ñalêlôm ñawageñ ma amoa tobiñmalôgeñ.

¹⁵ Ma alic aêacnêñ Apômtau gê biñ tònña tau kêtú ênê moasiñ ênam aêac kêsiña ñamôkê, kêtôm tewenji Paulu, tañ têtac gêwiñ eñ ñanô nan, keto gêdên amac kêtôm kauc mêtêña, tañ Anôtô kêkêñ gêdên eñ.

¹⁶ Eñ keto biñ amboac tonañ kêsêp nê papia samob. Biñ ñagêdô, tañ keto gec nê papia ñalêlôm nan, ñawapac ma lau kauc gêbôc to palê-palê sêwa biñ tau sa kesogeñ kêtôm sêwa biñ ñagêdô, tañ teto

gêc nan, sa kesogen amboac tonan. Êsêac sêgôm gêñ tonan, tec sêkic tauñ nêñ biñ.

¹⁷ O lauace, amac ajala biñ tonan kwananğen, tec ajop taôm gebe lau alôb-alôb nêñ biñdansañ êwê amac ao sic e êkac amac su aña nêñ ñamôkê ñajaña nec atom.

¹⁸ Aêacnêñ Apômtau to kêsiwaga Jesu Kilisi nê moasiñ to nê kauc mêtêña esewec aña amacnêñ,

Ñawasi êndêñ en galoc e naêndêñ bêc tenğenña. Biññanô.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb